




1584












































R

K

EX

W

Opus

Ex

E

S




Gratulatoria acclamatio  
**IN NVPTIIS**  
**ERVDITI IUVENIS,**  
**IOANNIS SKALAE, VVODNIA-**  
**NI, & ANNAE PACHABAE**  
tertium maritæ.

Auctore  
*MATTHÆO HOSIO,*  
*Altamyteno:*

Calci adiecta est eorundem  
coniugum precis, ODE Thomæ  
Mitis Lymusæi.

Auctor ad DEVM.  
*Qui mihi nascenti lucem, vitamq<sup>3</sup> dedisti,*  
*Des sedem in cælo, post pia fata, DEVS.*



PRAGAE,  
*Excudebat Georgius Nigrinus.*  


---

An: Sal: M. D. LXXXVIII.

PSAL: CXXVII.

*Beati omnes, qui timent*  
DOMINVM.

**E**st felix, q̄cunq; DEVM reueretur, & eius  
Pectore sincero tentat inire vias.  
Ipse labor manuum fidos nutrit omnes:  
Prouenient votis prospera cuncta pijs,  
Illius thalami consors propagine gaudēs,  
Ceu vitis gignet germina chara viro:  
Accumbēt nitidę mensę pueri atq; puellę  
Demittentq; manus in gremiũ teneras.  
Is dilecta sui spectabit pignora lecti,  
Ac dicet summo carmina grata DEO.  
Sors tali veniet non fallax vlla marito,  
Qui celebrat vera simplicitate DEVM.  
Quin etiam cernet felicia fata Sionis,  
Donec in hac mūdi valle superstes erit.  
Adnumerās seros chara cum ple nepotes  
Tranquille pacis cōmoda multa feret.



GRATVLA TORIA  
ACCLAMATIO PHOEBI  
MVSAGETAE.

**Q**uis nouus innadit moerentia pectora plausus?  
Cur Cythara complent varijs concentibus auras?  
Littora cūi plaudunt lituis sonitusq; tubarum?  
Nobilium splendens comitatus quid sibi tantus  
Vult? dicam: Musa vos hac mea figite dicta  
Nunc animis vestris: Diuinam noscite causam.

Est locus, Hercinia quem cingunt iugera sylua,  
Et piscosa rigat rapido piscina refluxu,  
Qua gaudens fruitur VODNIANA vrbs secula multa:  
Partibus è cunctis splendet rupibus altis.  
Rusticus hic etiam secundam vomere terram  
Scindit, per segetes tauros vel pascit aduncos.  
Nobilis aut pauidas venatur per sola Damas,  
Aut canibus prèndit lepores, configit & vrsos,  
Cornigerosq; iidem sua per venabula ceruos.

Hic locus est vrbs, VODNIAE nomine dicta,  
Attollunt cuius sese super athera pinnis  
Maenia, quae struxit quondam generosa propago  
CZECHI ADVM, patrios liquit dum spontè per  
Atq; per anfractus rigidos & vasta locorum  
Saxosis horrenda iugis, faucesq; malignas.  
Alpibus enictis longo magnoq; labore,  
Venit in hos fines, salebris & montibus aspros,  
Qui fuerant quondam (dictu mirabile) cunctis



Silvicolis umbrosa feris habitacula tantum,  
Tunc, ô ZRITE, tuo sedes sub vertice ponit,  
Aspera complet item, populo ILLYRICO loca saxi,  
Augens nempe tuos fines BOIEMICA tellus.

Hac gens chara Deis, quam clarus nomine magno  
CZECHIVS extendit, cuius per secula longa  
Fama riget proceres inter celeberrima mundi.  
Linqvit enim Ciues, quos te incluta robora regni  
Et firmas, nunquam pudeat dixisse, columnas.  
Exemplo est nobis præstans virtute propago  
SKALAE: quæ sumpsit nomen de rupibus altis,  
Rupibus umbrifera scopulorum cote refertis,  
Hac Urbem coluit VODNLANAM à tempore longo  
Stirps SKALAE, cuius teneras quoq; rexit habenas,  
Summo conseruans studio legalia iura.  
Hoc probat ipse senex, qui nomine gaudet ADAMI  
Hactenus & retinet SKALAE cognomen auitum.  
Cuius non sit opus meritum producere verbis,  
Constat enim cunctis, quàm comis, quàmq; benignus,  
Quàm virtute grauis sit: quàm pietatis honore  
Præsit, & officio fidi frugis Parentis,  
Munus Primatis magna dum laude pregit.

Hic genuit natum, Pallas quem nectare sacro  
Imbuerat, citius quò Numina montis adiret  
Parnassi, & liquidas gustaret fluminis undas,  
Bellorophontæus quod Equus signauit in antris.

Tandem post magnos, duos, longosq; labores,  
Laurea fersa suo capiti posuere Camæna,

Hic vbi

Hic vbi CAROLEI posuit fundamina Ludi,  
Atq; dedit proprio nomen de nomine Caesar.

Artibus ornatus, claris quoq; dotibus auctus,  
Officio patriæ voluit prodesse Iuuentæ,  
Quando GLATOVINI suscepit Munia Ludi  
Hic vbi. BOIORVM contingunt sidera montes,  
Hic vbi spectantur nostræ confinia terræ,  
Illic Aonias tradebat gnauiter artes,  
Et teneram primis pubem formauit ab annis.  
Moribus, & pietate, duos fortasse per annos.

Is Iuuenis forsan COLLINAM venit ad urbem,  
Vt vitam, & mores varios, antiqua videret  
COLLINÆ decora, & veterum monumenta virorū,  
Sed postquam flexit properos ad littora gressus  
ALBIDOS vt tumidi lymphas & mœnia lustret  
Vrbis, flexiuagos cernens per flumina curua  
Currentes pisces, sinuosa cacumina montis,  
Et multas vrbes, celeres in littore Ceruos,  
Phasiacas volucres, anates, fulicasq; palustres  
Conspicit errantes inter loca consita dumis,  
Constitit hic, placidisq; sonus sua pectora placat.

Ergo dum curis distractior errat in agro  
Floribus herbarum varijs quoq; lumina pascit,  
Nactus ibi viduam PACHEORVM germine natam,  
Quam genus, & pietas, roseoq; MODESTIA vultu  
Exornant, vt non splendens mage Lucifer alto  
Pulchrius orbe micet, radiosq; per æthera spargat.  
Hanc sibi in vxorem poscit pietatis amore,

A ij

Quam

Quam profans habuit virente ROSACIVS olim :  
Sed dum fidereum fuerat sublatum ad axem,  
NICOLEOLIVIT ALETINI agnomine pulchro,  
Quoddam virtutis amans, studio & vigilante Camenas  
Excoleret liquidis haustu de fontibus vnde.  
Illorum eximias virtutes, sacraq; magni  
Ingenij monumenta, p[er] quaq; pectoris artes  
Si spectes, obit[us]q; inuict[us] corde labores,  
Dixeris hinc dignos aeternae laudis honore.  
Ambo quidem dura defuncti mole laborum,  
Nunc tandem celi gaudent sine fine, quiete.

Hanc viduam accedit Iuuenis, bene fortibus ausis,  
(Dum praeeunte DEO felix se occasio praebet.)  
Mox sibi sollicito celatas pectore flammam  
Detegit, ac animum tentat sermone, petitq;  
Praebet ut facilem precibus se, spernat amorem  
Neu[us] suum: placido capiens data munera vultu,  
Seq; tori sociam promitteret esse futuram.  
Talia dum fatur, trepidanti pectore dicit;  
Te mihi, post varios casus, post longa viarum  
Tedia, consortem vita, comitemq; laborum  
Auctor Coniugij delegit: tempore quouis  
Qui fortunam hominum, simul infortunia curat.  
Annuit ANNA pijs precibus, tum munera sumpsit,  
Mox & amatori puro de corde fauere  
Capit, tum versare diu moresq; genusq;  
Ingenium ac eius, fortune & simplici[us] vsum,  
Omnis & euentus finem, & qua comoda posthac



Inde fluunt ; vigilantē examine pensat.

Inter tot catus postquam fortuna procorum  
Absoluit ceptum SKALAE feliciter, atq;  
Ipsemet est plenum sortitus culmen honorū.  
Mox dignas sorti fortune dicere laudes  
Capit, dein studio proprijs intendere rebus,  
Ad certum quo rem possit deducere finem.

O preclara dies multosq; canenda per annos,  
Qua petit hīc SKALAE thalamum pia Sponsa pudicum,  
Qui sponsus noster, rutili sub fidere cœli,  
URBIS COLLINAE sublimia mania scandit.  
Ingentes hominum catus mixtaq; caterue  
Plaudentes, scandunt superati culmina montis,  
Cum senibus Iuvenes, matrone cumq; puellis.  
Hinc plebs spectandi studio sese undiq; rectis  
Effundit ; cupiens pia carmina fundere tadis.  
Et noua solenni testari gaudia plausu ;  
Sospes sponse subi COLLINVM, iam nouus hospes,  
Gratus eris SPONSÆ ; tibi fausto sydere sternit  
Hac thalamum, dulcesq; thoros ; latoq; Hymenaeos.  
Te cupiens SPONSVM succenso corde videre,  
Atq; suam dextram stipulata iungere dextra.  
Ponite corde metus latum Porana canentes ;  
Latus, Hymen, latum carmen, leta omnia poscitis  
ANNA PACHAEA feret pro saluo dona marito.  
Hunc ipsi seruet sanum per secula multa  
Is, qui fideream cœlorum dirigit arcem,  
Secum ut longauos feliciter exigit annos,  
Et faciat tandem se pulchra prole parentem.

## CALLIOPE.

**O**rdinis ipse boni, sapiens, iustissimus autor,  
Aeterno leges protulit ore DEVS.  
Ne genus humanum, ceū bruta animantia quaeuū,  
Esset in impuris sedibus atq; thoris.  
Coniugij stabilis primū firmissima sanxit  
Federa, quae sanctē praecipit ipse coli,  
Et duo constanti vult ordine corpora iungi,  
Ex quo proueniat certus & vnus amor.  
Nam DEVS aeternus verē castissima mens est,  
Praecipit & castus dicere saepe preces.  
Coniugium ipse pijs seruat, lectumq; iugalem:  
Egregio castas ornat honore domos.  
Exemplum clari capias in signe IOSEPHI,  
Aegypti Princeps & Pater ille fuit.  
Aspice THOBIAM iuuenem castumq; piūq;  
Is thalami felix munera digna tulit.  
Quilibet ergo piē sic iura iugalia seruans,  
A CHRISTO capiet pramia magna DEO.

## CLIO

ANNVLVM SPONSAE OFFERT.

**A**NNA, si leue dat tibi IOHANNES  
Munus, sat pietate sed refertum:  
Vultu id suscipe (ceū decet) sereno,  
Et verbis quoq; comproba benignis.  
Est spectanda tibi magis mariti

Mens

Mens, sincera fides, amorq; verus.  
ANNVLVM hunc equidem pio fauore  
Ductus, dat tibi, sat volens placere.  
Latentur pia corda, gratiasq;  
Autori Domino, pijs rependant  
Semper carminibus, preces pudicas  
Fundentes, miseris opem rogatus  
Vt præstet, faciatq; eos superni  
Ambos participes deinde regni.

## THALIA.

IANE, Musarum studijs amice  
Cultor, ac nostri generis patrone,  
Tempus en dextris auib; recurrit,  
Luceq; læta,  
Quo maritalem celebras thorum vnâ  
Cum pia, casta vidua, & venusta  
Coniuge, vt castum sub eas iugati  
Foedus amoris.  
Ambo felices nimium, quod ambos  
Vos amor iungit pius, ac honestis  
Annuens cæptis DEVS, his benignas  
Porrigit aures.  
Ergo nunc omnes celebremus ipsum,  
Qui fuit vitæ reparator almæ,  
Laudibusq; illum super alta cœli  
Astra feramus.

AV EVTER.

## EVTERPE.

**D**icite Pegasides Hymenæia carmina Mase;  
Ac celebrate DEVM.

Soluite supremo late pia vota parenti,  
Carmine gratifico.

Fœdere perpetuo quodd iungit pectora bina  
Mortis adusq; diem.

Coniugium DEVS instituens, DEVS ipsemet auctor,  
Approbat, augeat, amat.

Ne quicquam maius possit virtutibus almis  
Esse sub axe poli.

Idcirco, nullus sibi non maioribus optat  
Dotibus hisce frui.

Nec thalamo tali quicquam scit pulchrius esse  
Quod sit in orbe vago.

O Hymenæe veni, decus immortale marito  
Adde & opem thalamo.

Letus cum socijs nunc dulcia carmina pango  
O Hymenæe Hymen.

Tu quoq; sis facilis thalamo Saturnia Iuno  
Tempus in omne, precor:

Sis facilis, Letisq; auge successibus illum  
Mortis adusq; diem.

Et talem Sponsam, Sponso gratare IOHANNI,  
Laudis gregis Aonij est.

Addeceat Aonides meritis celebrare IOHANNEM  
Laudibus, atq; sonis.

ERA-



## ERATO.

**F**idelis est vester DEVS,  
Qui vos sinet tangi minùs  
Terrorè nullo, seu metu  
Qui frangerent vestram fidem.  
Sed verteret à vobis malum,  
Quo vos Sathan vult perdere;  
Mundus, caro tum seducere,  
Hæc omnia auferet DEVS.

## POLVHYMNIA

Offert Sponsò Lauream cum Citha-  
ra, Lilijs, Violis, Hyacyntho.

<b>F</b> asta dies iterum	Huic DEVS addas opem,
Lumina clara refert,	Dotibus eximjs
Dulcia Coniugij	Ceu thalami sociam
Fœdera Sponsus init.	Iungit amore pari.
Plaudite cum pueris,	Diuitis haud tibi fert
Cum senibus, iuuenes,	Magna talenta Myda,
Et date læticia	Neuè etiam, rutilans
Signa futura noua.	Quas habet Hermus, opes.
Fœdera nam thalami	Vilia sunt, fateor,
Prospera SKALA subit:	Qua modò Sponse damus:
Scilicet vt repleat	Sunt tamen hæc eadem
Ipse domum patriam,	Digna fauore tuo,
Prole pia, & per eam	Laurea fecta quidem
Clarior esse queat.	Hæc tibi perferimus

Serta

serta tuo capiri  
Quæ dedit alma Venus:  
Frigora quod nequeant  
Sæua nocere sibi,  
Fulmine nec valeant  
Tangere æthereo.

Plectra canora lyra,  
Cum Citharæq; Chelym,  
Sponse diserte, tibi  
Mittit Apollo pater,  
Testificans animi  
Debita signa sui,  
Quæ tenere animo  
Voluere sapere tuo:  
Insuper offerimus  
Lilia pulchra tibi,  
Purpureas violas,  
Florem, Hyacinthe, tuum.  
Quam bene conueniunt  
Munera tanta tibi?  
Biblica scripta docent

Quæ ratione queas  
Viuerè cum propria  
Coniuge, quæ valida  
Pectus amore tuum  
Possidet, omne probans,  
Quod tibi cunq; placet:  
Scripta sacrat a monent,  
Quæ faciendæ viro,  
Quæ ferendæ forent  
Murus æthereus est  
Mens bona, firma fides,  
Versus & in nihilum  
Tristis amaror abit.  
Hæc ubi conspicias,  
Tecum habitabis vti,  
Sic reputabis ita:  
Perbreuis est hominibus  
Gloria, vita, status.  
Credo, precorq; DEVM,  
Nostrum vti coniugium  
Prole pia cumulet.

## MELPOMENE.

**D**onent nunc alij tibi IOHANNES  
Indorum preciosa dona Gazæ  
Donamus tibi poma nos amara,  
Quæ Medum regione terra gignit,  
Quamuis succus amarus insit illis,

Ægris

AEgris ille tamen salutifer fit.  
Si te, SPONSE, iugum premet iugalis  
Lecti, & multus amaror, aut mali quid  
Posthac eueniet, DEO volente,  
Id perser patienter omne, sperans  
Quòd post nubila, lucidus redibit  
Phœbus, lucidulum iubar reducens:  
Coelos post obitum, dabitq; CHRISTVS.

## TERPSICHORE.

SPONSA iam dilecta tibi salutem  
SHanc fero, tum MALA COTONEA addo,  
Quæ Cydon profert riguis ab hortis  
Tempore verno.

Nam Solon valde Sapiens Athenis  
Mandere hæc nuptas voluit nouellas  
Poma, quæ suauem tribuunt odorem  
Omnibus æquè:

Hinc nouæ SPONSÆ penetrant odores  
Labra: dum mōstrat animum iocundū,  
Semper, & facundia grata blando  
Manat ab ore.

Alterum fructum tibi dant COTONA  
Mala. quòd magni facias maritum,  
Vnicè ac illi studeas placere

Tempore cuncto.

Iurgia, Iras, Inuidiam, furorem  
Pellat à vestro DEVS ipse lecto:  
Cuncta fortunet DEVS ipse vestri.  
Coepta laboris.

## VRANIE.

**G**Ratulando iubilemus,  
Iubilando proferamus  
Vota nunc connubiorum.  
Sponsus en noster Vodnianus  
Copulatur ANNÆ Iā NVS  
Nuptiasq; concelebrat.  
Omnis his crux auferatur;  
Cura mentis deleatur  
Gaudio solationum.  
Prosper ille ter quaterq;  
Cui datur frui quiete  
Cum thori consorte dulci.

### Eorundem coniugum precis,

ODE Thomæ Mitis Lymusæi.

**T**E patrem ingenitum, DEVS,  
Per sacrata tui nomina filij,  
Per Spiraminis inclini  
Amborum, petimus nunc animis pares,  
Votisq; vnanimes pijs,  
Desponsare velis nos tibi per Fidem,  
Vnire ac Nurui tuæ  
Vera in Iudicij Iusticia tui:  
Verè vt te Dominum & DEVM  
Noscamus famulis propitiabilem,  
Qui vitam magè, quàm necem,  
Sontis, quò tibi sit redditus, expetis,

Pro-



Proles vngenita ô Dêi,  
Corpus iunge tuo hoc corpori, & insere  
Firmo glutine nexuum;  
Mens vtrâq; tibi forte vt adhæreat,  
Vitâq; & Sapientiæ  
Succum ex ore tuo plenius hauriens,  
Sacro inserta sit agmini  
Contra vim Satanæ, perfidiam, dolum,  
Mundi tum furias feri,  
Carnisq; illecebras exitiabiles.  
Massæ nos etiam tuæ  
Insertos, refoue, gesta, ale, robora,  
Et lytro meriti tui,  
A cunctis scelerum fordibus ablue,  
Exornaq; tuis bonis,  
Et donis patrio munere præstitis,  
Nos purga lateris tui,  
Permistu laticis, sanguine profluo,  
Irroraq; oleo caput  
Vestitis lauacri sindone candida.  
Flatus sancte, & Ias bonè,  
Quo plantatur amor, corq; fidelium.  
Id tu legitimo in thoro  
His, nobisq;, tuis imbue dotibus.  
Asmodæus eat procul  
Hinc, nos inter vti iurgia non serat.  
Dones, suspicionibus  
Securis, itidem dissidijs sine  
Hic viuamus, at hinc quoq;  
Scandamus superas coelituum domos.

